



TITAH DIRAJA

**KEBAWAH DULI YANG MAHA MULIA
SERI PADUKA BAGINDA
YANG DI-PERTUAN AGONG**

SEMPENA

**MAJLIS KONVOKESYEN KE-6
DRB-HICOM UNIVERSITY OF AUTOMOTIVE MALAYSIA**

PADA

**7 DISEMBER 2019 [SABTU]
BERSAMAAN 10 RABIUL'AKHIR
1441 HIJRAH**

BERTEMPAT DI

PEKAN, PAHANG

بِسْمِ اللَّهِ الرَّحْمَنِ الرَّحِيمِ
السَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

الحمد لله رب العالمين والصلاة والسلام
على اشرف الانبياء والمرسلين
وعلى اله وصحبه اجمعين
رب اشرح لي صدري ويسر لي امري
والحلل عقدة من لساني يفقهوا قولي

1. YANG AMAT BERHORMAT DATO' SRI HAJI WAN ROSDY BIN WAN ISMAIL;
MENTERI BESAR PAHANG
2. YANG BERHORMAT DATO' SRI DR. SALLEHUDDIN BIN ISHAK;
SETIAUSAHA KERAJAAN NEGERI PAHANG
3. KERABAT-KERABAT BERGELAR DAN AHLI JUMAAH PANGKUAN DIRAJA
NEGERI
4. YANG BERBAHAGIA DATO' SRI SYED FAISAL ALBAR; PENGERUSI
DRB-HICOM UNIVERSITY OF AUTOMOTIVE MALAYSIA MERANGKAP
PENGARAH URUSAN KUMPULAN DRB-HICOM BERHAD
5. YANG BERBAHAGIA DATO' PROFESOR DR. OMAR BIN OSMAN;
NAIB CANSELOR DRB-HICOM UNIVERSITY OF AUTOMOTIVE MALAYSIA
6. YANG BERHORMAT - YANG BERHORMAT AHLI MESYUARAT KERAJAAN
NEGERI PAHANG
7. HADIRIN DAN HADIRAT SEKALIAN

ALHAMDULILLAH, SAYA BERSYUKUR KE HADRAT ALLAH SUBHANAHU WATAALA,
KERANA DENGAN LIMPAH KURNIA-NYA MAKA DAPAT SAYA BERANGKAT HADIR
KE MAJLIS KONVOKESYEN KALI KE-6 DRB-HICOM UNIVERSITY OF AUTOMOTIVE
MALAYSIA.

IZINKAN SAYA TERLEBIH DAHULU UNTUK MERAKAMKAN UCAPAN TAHNIAH KEPADA SEMUA GRADUAN SERTA IBU BAPA DAN KELUARGA DI ATAS KEJAYAAN MENAMATKAN PENGAJIAN DENGAN JAYA-NYA.

HARI INI ADALAH MERUPAKAN BUKTI BAHAWA KEJAYAAN BOLEH DICAPAI MENERUSI USAHA SERTA PENGORBANAN YANG TIDAK MENGENAL ERTI PENAT DAN LELAH. TAHNIAH DAN SYABAS KEPADA SEMUA.

KONVOKESYEN KALI KE-6 INI TURUT MELAKAR SEJARAH MENERUSI KEJAYAAN 19 ORANG KUMPULAN GRADUAN PERTAMA YANG BERJAYA MENAMATKAN PENGAJIAN DALAM PROGRAM IJAZAH SARJANA. TAHNIAH DAN SYABAS KEPADA DRB-HICOM UNIVERSITY OF AUTOMOTIVE MALAYSIA DI ATAS KEJAYAAN INI.

HADIRIN-HADIRAT YANG SAYA KASIHI SEKALIAN.

KONVOKESYEN KALI KE-6 INI MENYAKSIKAN UNIVERSITI INI TELAH MENGORAK LANGKAH DENGAN JAUH SETELAH DI NAIK-TARAF KEPADA UNIVERSITI PADA OKTOBER 2015. KINI; DRB-HICOM UNIVERSITY OF AUTOMOTIVE MENAWARKAN SEJUMLAH 45 PROGRAM ASASI; DIPLOMA; IJAZAH SARJANA MUDA DAN PENGAJIAN PASCA SISWAZAH; YANG MENGKHUSUS KEPADA EKO-SISTEM OTOMOTIF.

UNIVERSITI INI JUGA TELAH MENGORAK LANGKAH DENGAN MELANCARKAN PROGRAM AKADEMIK MENERUSI KAEDAH WORK-BASED LEARNING YANG DIJAYAKAN MELALUI KERJASAMA DENGAN COMPOSITE TECHNOLOGY RESEARCH MALAYSIA. KAEDAH INI TELAH DAPAT MEMBERI PENDEDAHAN YANG LEBIH JELAS KEPADA PROSES DAN TEKNOLOGI TERKINI YANG DI GUNA-PAKAI DI DUNIA SERBA MODEN INI.

SELAIN ITU; SAYA TELAH TURUT DISEMBAH MAKLUM BAHAWA UNIVERSITI INI JUGA TELAH MEMPERKENALKAN VIRTUAL CAMPUS EXPERIENTIAL LEARNING. MENERUSI KAEDAH INI; PELAJAR-PELAJAR UNIVERSITI INI TIDAK PERLU LAGI HADIR KE KAMPUS UNTUK MENGIKUTI SESI PEMBELAJARAN.

SAYA BERKEYAKINAN; KAEDAH PEMBELAJARAN SERBA MODEN YANG DITAWARKAN MENERUSI TEKNOLOGI TERKINI DAN KOMUNIKASI ALAM MAYA AKAN DAPAT MEMBUKA LEBIH BANYAK RUANG KEPADA SEMUA RAKYAT MALAYSIA UNTUK MENIMBA ILMU; TIDAK KIRA DI MANA JUA MEREKA BERADA.

SUNGGUHPUN DEMIKIAN; KEHADIRAN TEKNOLOGI MODEN DAN KOMUNIKASI ALAM MAYA TURUT MEMBAWA DUNIA KEPADA "THE FOURTH INDUSTRIAL REVOLUTION" YANG SUDAH PASTI AKAN MEMBERI IMPAK TERHADAP PELBAGAI ASPEK KEHIDUPAN.

LANSKAP DUNIA PADA MASA HADAPAN YANG BERLANDASKAN KEPADA TEKNOLOGI AUTOMASI DAN SISTEM MAKLUMAT AKAN MENGGANTIKAN KEBANYAKAN PEKERJAAN YANG DILAKUKAN OLEH MANUSIA.

INI BERMAKNA, KEHADIRAN "THE FOURTH INDUSTRIAL REVOLUTION" AKAN TURUT MEMBERI KESAN YANG BESAR KEPADA SEKTOR PEKERJAAN.

JUSTERU; INSTITUSI PENGAJIAN TINGGI PERLULAH MELAKUKAN PELBAGAI TRANSFORMASI AGAR BAKAL GRADUAN MEMPUNYAI NILAI TAMBAH BAGI MENINGKATKAN LAGI PELUANG PEKERJAAN.

INSTITUSI PENGAJIAN TINGGI HENDAKLAH MENAWARKAN KURSUS-KURSUS MULTI-DISCIPLINE YANG MENJURUS KEPADA TEKNOLOGI DISAMPING MENERAPKAN KEMAHIRAN INTER-PERSONAL; KOMUNIKASI; KERJA BERPASUKAN DAN KEPIMPINAN.

PADA KESEMPATAN INI JUGA; SAYA TURUT INGIN BERPESAN KEPADA SELURUH RAKYAT MALAYSIA UNTUK TIDAK MENYALAH-GUNAKAN TEKNOLOGI MODEN DAN KOMUNIKASI ALAM MAYA.

PERBUATAN MENYEBAR FITNAH; BERITA PALSU DAN KENYATAAN YANG BOLEH MENGGUGAT KEHARMONIAN SERTA PERPADUAN NEGARA; ADALAH MERUPAKAN SATU PERBUATAN TERKUTUK YANG TIDAK BERTANGGUNG-JAWAB.

SAYA MENYERU KEPADA SEKALIAN RAKYAT MALAYSIA UNTUK LEBIH BERTANGGUNG-JAWAB DAN MENGHARGAI KEHARMONIAN NEGARA. TEKNOLOGI MODEN SEWAJAR-NYA DIJADIKAN SEBAGAI ALAT UNTUK MEN-SEJAHTERAKAN RAKYAT SERTA MENCIPTA KEJAYAAN; DAN BUKAN UNTUK MEROSAKKAN NEGARA.

HADIRIN DAN HADIRAT YANG DIRAHMATI ALLAH SEKALIAN.

HARI INI MERUPAKAN HARI YANG PENUH BERMAKNA KEPADA SEMUA GRADUAN. KEJAYAAN PADA HARI INI ADALAH JUGA BERKAT DOA DAN PENGORBANAN KEDUA IBU BAPA DAN KELUARGA TERSAYANG. JANGAN SEKALI-KALI PARA GRADUAN MELUPAI JASA IBU DAN BAPA.

SELAIN ITU; KEJAYAAN HARI INI JUGA AKAN HANYA DAPAT DINIKMATI MELALUI DEDIKASI AHLI AKADEMIK, PIHAK PENGURUSAN DAN RAKAN STRATEGIK UNIVERSITI KHUSUSNYA KUMPULAN DRB-HICOM.

JUSTERU; SAYA INGIN MENZAHIRKAN UCAPAN TERIMA KASIH KEPADA KUMPULAN DRB-HICOM YANG TELAH BANYAK MENYUMBANG KEPADA UNIVERSITI INI DAN TELAH JUGA MEMAINKAN PERANAN DI DALAM PEMBANGUNAN NEGARA; TERMASUK DI BANDAR DI RAJA PEKAN INI.

MENGAKHIRI TITAH; SAYA BERDOA SEMOGA NEGERI PAHANG DAN NEGARA MALAYSIA YANG KITA CINTAI INI; AKAN BERTAMBAH MAKMUR DAN TERUS MENINGKAT MAJU; SERTA SENTIASA DALAM PERLINDUNGAN ALLAH SUBHANAHU WATA'ALA DARI SEBARANG MUSIBAH DAN MALAPETAKA; INSHA ALLAH.

SEKIAN.

وبالله التوفيق والهداية والسلام عليكم ورحمة الله وبركاته